

t WÖR WIER OPSTALN

Het gedicht "ALLERZEELENDAG" van Gerhard ten Voorde, dat wij plaatsten in het eerste nummer van BOORN en BOERSCHOP maakte zoveel indruk op de redakteur van het radioprogramma REGIOTAAL (de heer Piet Abbrink) van Radio Oost, dat dit leidde tot een serie van vier programma's over het werk van deze Bornse dichter en streekhistoricus. In de tweede uitzending hoorden we "Gerrad" nog zelf vertellen over vele belevenissen uit zijn tijd in n Zwartn Hook en roond n Meijershof. Hennie Velner had dat bandje uit de jaren zeventig nog en stelde het welwillend beschikbaar. Hierbij nog een van de vele gedichten, beschikbaar gesteld door mevrouw ten Voorde en het Gemeentearchief, over het boerenleven in Twente zoals Gerhard ten Voorde dat zag voorbij gaan... (Red.).

As de dage begint te körtn
 en t eeknloof verschöt van kluur,
 As de boern de tuffelgreep kriejt
 dan steet de hearfst vlak vuur de duur!
 As de beeste stoat te böln
 an t hek en wocht op t bietnblad,
 A'w de Boornse Kearmse had hebt
 he'w ook de beste tied wier had.

Dan koemp t opstaln a zo gaaw wier,
 Vuur langn tied, zeijt meer: n half joar!
 Het steet eer an de beeste, kalver
 n waarmn stal en het rowwe voor!
 De eerste tied, non ja, dat geet nog,
 de knoln kömn nog n luk an!
 Mear.. as van t joar dát voor ees op is,
 dán weet ik der nig meer van!

De böärgerman hef doar gin weet van,
 mear.. t boerkn is van t joar nich best!
 Nemt t heui, t prinspoalst voor vuur t wienter
 dat is in lang zo min nich west.
 As wiederhen de witte biejn vleeft
 en alman geern bie n kachel krop,
 as t mirwienterhoorn hef kluunkn,
 dan geeldt vuur n boer één woord: pas op.

t Heui is beteun en t vee mut leavn!
 De beeste zint der vuur de melk.
 Mear dee mut met n melzak haaln wördn,
 en kost geeld, dát weet toch elk!
 Mocht dan temet ees in de kraant stoan:
 "De melk sleug met nen heeln ceant op",
 dat alman het dan zal begriepen:
 "n Boer hef t wa neurig op n stop"!

